



Broj: T18 0 KTK 001122 20
Brčko, 23.12.2020. godine

Temeljem članka 35. stavak (1) točka h) i članka 226. stavak (1) Zakona o kaznenom postupku Brčko distrikta BiH, p o d i ž e m:

OPTUŽNICU

Protiv:

1. **MIRNESA ZELENJAKOVIĆA** ... rođen ... 1985. godine u Brčkom ...
2. **RENEE KONDIĆ** ... rođena 1981. godine u Brčkom ...
3. **GORANA NOVAKOVIĆA** ... rođen ... 1964. godine u Bijeljini ...

Što su :

1. Mirnes Zelenjaković i Renea Kondić

U mjesecu rujnu 2016. godine u Brčkom, postupajući u svojstvu članova Komisije za tehnički pregled stambeno poslovnog objekta – lamele 1, 2 i 3, te rekonstrukcije, dogradnje i nadziđivanja postojećeg poslovnog objekta u stambenom naselju „Centar“ investitora „Zejčirović“ d.o.o. Čelić, Srpske Pravoslavne crkve Brčko i M.A., imenovani Rješenjem Odjeljenja za javnu sigurnost Vlade Brčko distrikta BiH, broj predmeta UP-I-22-001314/16 od 18.08.2016. godine, nakon obavljenog tehničkog pregleda tih objekata, s ciljem da poduzeću „Zejčirović“ d.o.o. Čelić pribave korist u vidu dobivanja upotrebne dozvole bez ispunjenja zakonskih uvjeta, sačinili pojedinačna izvješća i to Mirnes Zelenjaković, kao predsjednik Komisije i član nadležan za kontruktivni dio i Renea Kondić, kao član nadležan za arhitektonski dio u kojima su konstatirali da se može dati suglasnost za izdavanje Odobrenja za upotrebu za stambeno poslovni objekta L1, L2 i L3, na temelju kojih pojedinačnih izvješća je sačinjeno Izvješće o izvršenom tehničkom pregledu a zatim je dana 08.09.2016. godine Odjel za javnu sigurnost Vlade Brčko distrikta BiH izdao Rješenje o odobrenju za upotrebu predmetnog stambeno – poslovnog objekta broj UP-I-22-001314/16, broj akta 12-1008UV-005/16, od 08.09.2016. godine, iako svjesni da na navedenom objektu nisu izvedeni predviđeni radovi u vidu rekonstrukcije u suterenu, proširenja poslovnog prostora na prvoj etaži lamele 1, dograđivanja poslovnog prostora u ulaznom dijelu lamele 3, u poslovni dio i nadziđivanja jednog sprata na dijelu lamele 2, koji radovi su u okviru pregleda iz njihove stručne oblasti, te svjesni da su sukladno odredbi članka 21. stavak (6) Pravilnika o vršenju tehničkog pregleda građevina i izdavanju odobrenja za upotrebu broj predmeta 02-12-000024/10 od 16.03.2012. godine (Službeni glasnik Brčko distrikta BiH broj 18/12) odgovorni za ispravnost svog izvješća

dakle, kao službene osobe u Brčko distriktu BiH, ne obavivši svoje službene dužnosti pribavili drugome korist

2. Goran Novaković

Dana 25.06.2016. godine u Brčkom, postupajući u svojstvu nadzornog organa angažiran da vrši nadzor nad izgradnjom stambeno poslovnog objekta – lamele 1, 2 i 3, te rekonstrukcijom, dogradnjom i nadziđivanjem postojećeg poslovnog objekta u stambenom naselju „Centar“ investitora „Zejčirović“ d.o.o. Čelić, Srpske Pravoslavne crkve Brčko i M.A., nakon izvršenog pregleda objekata, s ciljem da poduzeću „Zejčirović“ d.o.o. Čelić pribavi korist u vidu dobivanja upotrebne dozvole bez ispunjenja zakonskih uvjeta, sačinio Izvješće nadzora nad građenjem u kojem je konstatirao da su svi radovi izvedeni prema

odobrenoj projektnoj dokumentaciji i da su objekti spremni za tehnički pregled, iako svjestan da na navdenom objektu nisu izvedeni predviđeni radovi u vidu rekonstrukcije u suterenu, proširenja poslovnog prostora na prvoj etaži lamele 1, dograđivanja poslovnog prostora u ulaznom dijelu lamele 3, u poslovni dio i nadziđavanja jednog sprata na dijelu lamele 2, postupajući tako suprotno odredbi članka 7. Pravilnika o radu nadzornog tijela građenja broj 02-01.1-000231/10 od 10.03.2003. godine

dakle, kao službena osobe u Brčko distriktu BiH, ne obavivši svoje službene dužnosti pribavio drugome korist

čime su počinili kazneno djelo – Zloupotreba položaja ili ovlasti – iz člana 377. stavak (1) Kaznenog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
